

*Vakar dèdèle kriukè longs (eilieraštis eilieraštie)*

Vakar dèdèlè kriukè longs,  
Nespiejè viejè ašaras brauktè,  
Žaibams oždegos sava lèktarnas,  
Perlā krèta, veidieli prausè.  
Nežēnau, a kumet soprasi,  
Dèkuo longs sošlapès dejava.  
Šēndēin lītaus tuo jau nebatrasi,  
Gali klaustēis tik nuojautas sava.  
Soprasi, bet a pasakīsi,  
Kap dūšè tavuojè dejava,  
Kumet ont žemès parpoulès  
Gaudē lèkēma sava...  
Pagavā. Nošvēta, kāp tas longs,  
Perkūnijuo, lītou praejos.  
Tīlè džiaugīs sosèrongès,  
Kad laimēs kas nuors nenoneštom...  
-----  
Ka saulē rītūs  
Robēnus atsargē pīlè,  
Vuo vies par dongo  
Ēš vakarīkštē Juona lauža dūmā  
Dar joudas štončkas pīnè,  
Siediejuov vèdo  
Ont druobīnu  
Palei truoba vakū,  
Kor vedom gims,  
Gimtinie.  
To duovēnuojē mon  
Vuosilku,  
Kad tava varda atsimintiuo,  
Kad nepamērštio  
Akiu mielēnoma tava,  
Kap ondēns Bartovuo,  
Keliaujont tavuojie tievīnie  
Par tavuji gīvenēma.

Tik Juonū dongos prasmingā  
Štončkas joudas nešē...  
Nematiev vedo tuo...  
Ēr nerūpiejè!  
Nubiega laiks.  
Vēs rego vaizda ēš jaunīstēs tou,  
Ka jem vuosēlkas laukūs mielēnoutè,  
Kāp ont druubīnu  
Do jaunè  
Palei truoba sosēsiedè,  
Sava gīvenēma rēktou!  
Ēr kuožna mēta,  
Kumet rego  
Tavuum akiem apsēpīlusi  
Vosēlkuom lauka,  
Prēsēskabau tuo mielēnoma  
Bukieta dēdiausi.  
Ēr kelēs kvietkas  
Tarp kningas lapu ēsēspraudo.  
Ēr laiks nu laika pavartau...  
-----  
-----  
Vuo longs?  
Vuo longs parasuo da tīlè,  
Stēklēnè aki prēmerkēs.  
Žēna, ka lītou līnont,  
Panaši tor i savēm drauga.  
Vakar dèdèlè kriukè longs,  
Nuoriejau ašaras pērštās nobrauktè.  
Sopratau. Je tēp jau nuor dongos,  
Prēsēglaudiau. Lēdau lītaus lašams  
Tīkē plauktè...

2013 metā